

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY

T 3224/9660.83

2

MAR 6 1947

城池

關隘

橋渡

坊市

哈爾濱漢和
圖書館珍藏印

昔人恃陋卒隳其封古邑自唐迄明初無城池
七百餘年中殆矣哉非有林堪之請有警何恃
而守耶今日者高城深池雖無金湯之險而倚
山臨溪亦屹然一鉅鎮也志城池

邑歷三千二百十年至唐開元間而後縣歷七
百五十四年至明弘治間而後城先是鄧茂七
陳亮五之變縣數被其毒故老林堪詣闕請時
邑人羅榮為尙書郎協力其間乃得請事下巡



古日鼎詩 卷之二
按御史陸偁會議監司郡守檄永福令姚禎相
地下基畚鍤方興而姚去本邑令蕭謙繼之踰
五載乃就

城西北跨山東南瀕溪廣袤七里高一丈七尺厚
一丈周廻一千三百丈有奇爲門四東曰萬安
西曰永豐南曰迎恩北曰望闕水關五曰威武
曰金井曰朝陽曰玉灘曰觀瀾嘉靖中倭警署
令陳紳建敵樓西北隅閱歲令王所增高城垣
三尺倭薄城堅壁挫之萬歷中令劉曰暘修城

門九建敵臺十城堡六十七費出自邑人之好
義者改萬安曰澄清扁其樓曰旣濟改迎恩曰
太和扁其樓爲文治改望闕曰節鎮扁其樓爲
鎖鑰惟循永豐之舊扁其樓爲靖武城北跨山
縣龍入脉係焉舊建樓其上曰望遠更名太平
扁以天關雄鎮改觀瀾門爲青藜閣名其內曰
龍門扁其外曰煥文歲久城垣漸壞令王繼祀
修砌後以風雷摧舖舍十五座王令復完葺一
新天啟中崩塌不堪十已去其八九令吳柔思

與邑紳余文龍議捐大脩至今賴之

識畧云古邑築城在弘治十五年而嘉靖己未輒有島夷之患前令王公率衆乘堞竟藉以完孰謂衆志成城可廢設險哉得人和則地利益增而高德行教事談保障者勿嗤爲迂斯所貴桑土之微歟

魏煥紀曰邑未城時門之南有龍寶鳳廻二山之泉夾流而上由勸農橋西注遠邑中迤邐以東自煥文渠出與大河並山川形勝頗謂融會正

統間築城闢九門獨南門易其故處前渠隔絕嘉靖丙午前令郭維藩爲改門濬河而滌洄旁達矣

國朝康熙四十年知縣陳瓊修葺畚鍤工與躬自督率盛暑坐烈日中不張蓋與民同勤苦民有餉工者惟疏食菜羹爲之一飽至一臠一味必却聞值衆工小憇之時於二保城隅親自砌磚數塊歷年風雨損壞他所惟此獨完化工冥感示此靈異非憫勞臣亦彰清白也

乾隆元年奉文飭脩通勘崩塌新舊內外馬道七

十五丈城垣三十七丈五年五月知縣劉之麟

興工至八年十一月知縣李基弘報竣

明邑人羅榮築城記 入閩牛女分野禹貢揚州之域秦漢置郡國始麗中州吾

邑依於萬山中東聯羅源西濱南平南臨閩清

北界政和東西少北抵寧德建安少南則懷安

尤溪也延袤計里各四百有奇民無末作勤生

於田因地卑高而坵墪之雖崇巒疊嶺泉可引

既盈尺不遺此邑所由名也惟地衍田廣又林

箐蒙密隣封流轉之民于是為歸逋逃不逞者

亦間廁焉正統己巳四方多故沙尤魁寇鄧茂

七乘亂搆煽旬月徒醜數萬吾邑素鮮兵禍又

世界承平所謂金革什伍無先具以應卒而排

柵圍塹之類亦闕於繕治士女倉皇欲奔省府

則途長阻水舟楫斷絕不可到率望巖嶮之壞

墟墓之穴奉頭竄伏豺虎蛇虺不暇恤也稚弱

號啼輒棄去或壅其口而絕賊長驅入境據縣

庭分徒大掠末無所獲民廬焚燔殆盡踰年漸

次殄滅遺氓稍出飢寒困頓之後暴死於疫越

十五年為天順癸未有陳亮五者孽其惡間巷

傷弓相訛寇至一月十數警越三時乃定生聚

廿年粗成里落故老談及亂離有泓然出涕者

弘治初政屢詔被兵在所亟修城池有司無良

而百姓好佚間有仗義俶儻又無佐者以翼其

成歲月翫喝而已歲已酉予隨計使江浙涉淮

泗歷齊魯入京師凡經已名邦大府皆嚴城守十

室之邑未有弗慎於暴客之防者乃作而嘆曰

衛民弭亂固如是夫因懷桑梓以窮陬盜藪顧

無堪維之斃以為棲負明詔何如哉既而邑人

林堪至質愚言為然遂即懇疏於朝事下兵工

二部時御史四明陸君弼按閩厘恤民隱親蒞

相度檄永福知縣歸安姚禎來董是役邑治東

古田縣志

卷之二 城池

四

隅臨大溪民居跨其上必用毀折一二十武而
 巨家右姓多層樓傑構開戶迎曦臨流眺遠為
 光景習居重廢不能樂從姚君乃奮曰吾先為
 其難者決策下令肇工於東隅期日率吏兵循
 溪督視而折卸者恐後歷兩月基成疊石加甃
 工登大半姚以事去又越三年城乃成凡周圍
 長一千三百丈趾濶一丈堵石三尺磚一丈女
 牆四尺凡高一丈七尺工料費白金一萬一百
 八十七兩先是鄉民出財力怨謗如沸弘治辛
 酉白水寇至殺鄉兵逼邑治以城粗立不敢入
 官軍至乃殲焉正德庚午山寇大作揭旗伐鼓
 呼噪遠村逢人捉殺四鄉男女摩背入城賊自
 東瞰守望有備乃去至是怨者始釋易謗為頌
 矣予聞占之制內王都外侯國咸著雉堵高廣
 之式周官掌圉易傳設險春秋凡城必書脩治
 以時王政所首蓋人萃則乖乖則亂弭亂必有
 為之所者今茲高城深池上下完固旗幟鈴柝
 儼備匪懈郊坰之外山谷之間生齒百萬倚是

為安夫以數千百年之闕卒就於今是固聖朝
 君相在上保邦顧遠又有賢大夫以襄成之或
 有數存焉耳榮何力於其間哉然興化之大無
 過是役不可無述輒識歲月庶未於左使知朔
 作之意而脩治圯墮不能無望於後賢云

莆田林俊古田縣記

居古田古侯官地劉林巨姓世

王之所嘗產也又曰玉田開元時始拓縣滙雙
 溪倚翠屏揖仙亭立文峯五華於左右以圍羣
 山也田轟轟鱗次走陂斜以聯山之極民僅田
 故醇陰箐邃壑逋亡依阻故易闕正統間寇鄧
 茂七長驅入縣民倉卒走廬舍藏畜鈔掠以盡
 天順間訛寇陳諒五至縣數數驚民望城為命
 吏以爲非我久於處也置弗聞月陰雨鳥驚而
 鹿駭家無帖席之夜予友大方伯葉山羅君志
 仁處郎署時也與故老林堪謀曰古盜衝也城
 之存乎人今天子留意諸縣城古獨無舉焉夫

無大順之希文朔方之南仲奚特能守耶蓋圖諸遂連
 之伏羲延州之青澗奚特能守耶蓋圖諸遂連
 疏詣朝下之部藥山言之部再下之御史藥山
 又言之御史則巡按陸君偁任焉專縣之力而
 相以郡租之羨授能以於永福令姚禎程物略基
 量功而命日申憲令以肅城梗風驅雷行萬畚
 並築姚去而址者三如姚三越禩功以告成凡從尺
 度之石而址者三如姚三越禩功以告成凡從尺
 之十有七橫如從損其七焉凡周丈度之一千
 三百有畸凡費兩度之一萬一百八十有畸岳
 立雲連如防以過橫流如柵以隔猛噬風雨而
 大厦之庇也庚午寇又至人恃城無恐因頌陸
 君之功德藥山遺故事之防者必有臨時之悔記
 於予嘗聞之略先事之防者必有臨時之悔記
 倉城孔明以無利引去昔城不脩子重克其三
 都城國之脩也抑發端應會故有司其間者古
 歷三千二百五十年而後縣縣七百五十四年
 而後城而藥山適起其間顯相默運其或然而

已耶山川靈氣至是完已密矣是故今日一面
 之占亦他日繫國家安危之地古因以名矣惠
 答山用其固小小哉抑古以民心為城吏於土
 者責也可觀政矣

晉江楊道賓撰改建城門樓為青藜閣記

古田界在山谷

間久席承平城垣不為飭葵寅劉侯來令是邑
 計先綢繆崇其雉堞新厥樓舍屹然一金湯也
 又明於象緯輿圖之學謂邑人文鬱而未宣其
 山川之靈隱弗燿耶相度縣宇之東臨溪流而
 城者舊名五保門西則文廟學宮在焉門故有
 樓而隘蔽於民居改徙數十武則與巒宮相掩
 映為青龍聳角之象疇其見能及此即及此疇
 悉心而力任之劉侯熟察形勝妙運規恢改城
 闔以當周道於縣宇為左翼更其名曰龍門蓋
 取左青龍之義云仍闢樓趾宏開奇構連櫳隆
 棟丹牖朱題峩峩奕奕扁其上為青藜閣意太
 乙之精歆茲靈秀恍然來遊其間用宣神秘復

在閣右暨一巍旗上繪螭龍朔望張懸以招扶
 輿清淑之氣侯公暇或聯賓從樂諮詢或率青
 衿子弟為藝文之會意肫肫厚也余友林君君
 實與侯之丞李帶泉君舊結社萍水間及李以
 選貢授其官志有所不屑思無玷其家聲侯心
 重之故君實得從侯龍門遊寓日閣中之勝適
 不佞道實以留篆之役便道過里寄徑水口值
 君實策蹇來刺刺述侯折節事愧莫登高作賦
 以揚令德徵余言記之余往偕劉侯之季雲嶠
 君簪筆奉承明味若芝蘭聞其伯子循良聲寧
 無沾沾喜夫為政祗勵冰蘖獵神君之譽則矜
 踔幹敏能之至學通蓋與識探玄微窺見於鬼
 神不能為力之先幹旋於人事無可奈何之後
 舉而行若迂若緩實貽千百年之休其談說若
 渺若茫而陰奏綦隆之績則未可易言之也劉
 侯治古田砥之礪之張之弛之靡不獨至若填
 斷河以延玉山之龍脉毀水碓以導溪流之安
 瀾遂令其穫穰穰其俗瞿瞿上恬下熙而聽觀

新於他日斯已奇矣龍門之關青藜閣之建財
 不糜公力不動衆迎祥禔福於意尤加切焉噫
 嘻劉更生校書天祿夜分數語千載共神其事
 侈為美談侯實卯金之苗裔也青藜老人鑒厥
 世德脩文闡發祥光翼諸儁彥必有翩翩遊於
 著作之庭以副侯愷悌作人之意者用記其概
 以俟將來劉侯諱曰賜豫章人李丞諱元若高
 涼人林君實諱春華連江人觀斯成者簿黎君
 諱興南海人尉何君宗道鄞縣人併得書

邑人余文龍修城記

玉田舊無城也居民皆依山
 跨河素苦盜弘治初邑人有

林堪者仗義任俠以布衣詣闕請建築時先達
 方伯藥山羅公榮任民部尚書郎就中旋幹始
 得旨至五年乃獲告成後值白水山寇作亂偵
 矚有備謀遁去嘉靖辛酉倭薄城下凡五日以
 城壕堅固獲守官兵至始解圍焉城之所繫綦
 重矣嗣後因循日傾月圯而歲不同間或隨壞

隨補要不過塗飾耳目苟且了事而止浸淫至
 於今日十日已去其七八矣當事者率泄泄視之
 邑士民亦無能與義舉以踵堪趾者暨天啟癸
 亥春吳侯甫下車首為動念值凶荒告急盜賊
 蠡起侯日夜焦思綉繆擘畫請帑金以為修理
 之舉而上不可計畫無復之耳時不佞文龍以
 在告歸里侯造予請曰先生生日者目擊戚里荒
 饑之狀當先發粟數百石賑施民飢民已尸而
 祝之惟是城郭崩頽尤稱喫緊公得無意乎文
 龍跪而起曰微侯言予固已心恫矣矧命及之
 敢愛膚髮於是鳩聚殷實好義者商確議論捐
 助樂輸各隨家貲以為差等而貧寒者不與焉
 數日內計得千有餘金侯首捐俸一百兩以為
 先倡凡出納之數僉舉太學生鄭文卿監理之
 侯不親也又擇最殷有才幹者五十餘人分土
 砌築凡磚灰材料價值及匠作人夫工食悉照
 民間時估給與數里之內春杵相望各衙門分
 界督察侯每日身先勞來文龍亦時時追隨相

料理以故道無怨聲功成數月新砌比舊造倍
 堅聳焉是役也經始於癸亥之六月告竣於甲
 子之三月計築過全崩城二百三十四丈六尺
 脩過半崩城三百五十三丈九尺腰城戰塼三
 百四十五堞城上砌面馬道一百六十丈城裏
 全崩馬道二百三十一丈一尺城外幫馬道二
 百四十二丈八尺見遠敵樓一座青藜閣城外
 樓共九座城舖五十六所共實用工料銀一千
 一百六十九兩一錢五分費甚約而工甚堅私
 不擾而公不損百雉巍然允稱雄峙異日者即
 有白水倭奴諸警行將望臯門而喙突耳侯之
 功德固有難名而各衙官之潔已奉公邑父老
 之效勞慕義均不可以無記若文龍因人成事
 碌碌無能竊附於庶民子來之誼以樂觀厥成
 云爾侯諱柔思字徽止直隸宜興人壬戌進士
 丞林諱起鸞廣東海康人歲貢簿宗諱殷禮直
 隸武進人尉錢諱仁望浙江山陰人

南閩保障

北門鎖鑰

二關在水口街之南北明縣令劉日賜重修立扁

玉境中封

在縣南四十里縣令劉日賜鼎修立扁

塔嶺隘

在一都明嘉靖乙巳年知縣徐建立

槐源隘

在縣治之西三十里明嘉靖辛酉年知縣王所立

白溪隘

與寧德縣北界去杉洋府館一十五里有樓

長林隘

與羅源縣南界去杉洋府館七十里樓

雙澗隘

在本縣三十九都去杉洋府館一十五里有樓以上三隘俱明正德年間建

明古田縣令王所增城設隘記

嘉靖己未十月予奉命來知古田時

閩土有南倭西盜之警羽檄交馳飢饉薦臻君子視生民之靡底誠不能一日苟安於其位也予至之明日進父老於庭諮緩急焉皆對曰古田雖萬山之僻阻實上下之咽喉路通九縣界連三府往歲坑徒啟釁民咸病之近者倭奴取道福寧亦經城下是誠不可以無備也且城池之陋甚矣昔蔡山羅公之創此也重於勞民僅足防患而止今則非其時矣盜智日狡民心日漓卑者易踰頽者易圯是誠不可不備也惟時詘舉羸或懼弗逮向歲上司軫念業有修濬之議然弊財限事十未及一卽於敵樓所計十金而盈百不就他可知矣故當事者難之予應之曰是何難哉財用之出止有二者非在官則在民而已彼疑而難之者不究乎利害之源不協乎公平之道故也方今之時其在官者誦矣然藏富於民其理一也太平之盜所志金帛與攻

城畧地之雄殊科使邑無富民彼不來矣是富者寇之媒也然則城郭溝池之固所以為富者守也亦即諸其人已耳予欲使汝一勞而永逸少損而大益汝則何如眾皆曰唯唯予於是乃籍其城中之富者而三等之計其城堞與窩舖之不足者而分任之上者為堞二十六中者十五下者八堞而窩舖亦等下戶二人之數訪諸坊鄉里老參諸士夫學校僉謂曰平然後白於捕府旋齋孫翁席翁麗靈條陳而請於兩院兩院可之次於司道司道可之次於本府本府又可之廼以己未臘月念九日載工自震三尹龍泉王公琢實專事焉卑者高之壞者固之不足者益之民任其值而官董其期既垂成矣復壞於庚申五月之淫雨故迄辛酉之春始克竣事告成功焉凡為城堞者一千六百有奇數并舊十之三高增舊十之三為窩舖者五十有七為敵樓者一為外境隘樓者六舊所未備咸創為之費不出公令不病民皆旋翁之所裁定庶民

之所予來者也予嘗聞之秦隋築城之役本以衛國而土工未卒眾怨心離盤庚遷殷為民遠患而再三申命不適有居今茲役也刻日計成再廢再舉不可謂不勞矣行之荒歲寸土卷石皆民膏脂不可謂不苦矣而民皆樂趨無辭免者予何以得此於民哉傳曰未有好仁而下不好義者也未有好義其事不終者也顧予涼德且丁初任奚以仁民然愛之以至情所以生之也任之以至勞所以安之也處之以區等所以同之也則皆仁之屬也而又上藉旋翁之撫綏下賴龍泉之鼓舞故民之油然而興起于義以終其事者宜也况斯地也延平之澤紫陽之教在焉其民之易感而化易行也獨異於他邑由此而繼二先生之後以益明其仁義之道則古田皆比戶可封之俗將偃息談笑而却敵勝難者矣又何城隘之有哉是役也舉其所成則旋翁之經畫龍泉之勤勞耆民朱會奇曾天賦之樂義皆九功之德所宜歌者原其所自則文

學黎君永清蔡君宗湖于君介所以繼二先生
之後而大闡其教化者有在也予何力之有而
可不重為之表章乎因記其顛末刻之于石志
不忘焉雖然予豈敢異夫斯民之不忘於予乎
抑亦以志予之不敢忘夫斯民耳

橋渡

勸農橋

在縣治西元時建邑令于此勸農故名
明萬歷三十一年燬知縣王繼祀重建

國朝邑諸生林首達詩一望平疇春水浴環橋
樹色綠茸茸煮葵燒笋開新釀相約明朝候勸
農

迎仙橋

在縣治西北后街元季建明正統初知
縣張昱重建上有橋亭今廢

煥文橋

在縣治比大街明正統十三年燬天順
間知縣尹古重建以上三橋俱在城內

今止存勸
農一橋

雲津橋

在縣治北清溪上流俗呼為里安宋初
邑人廖三益捐造明正統間燬景泰成
化間累建
皆圯於水

萬安橋

在雲津橋南元時建明永樂十一年燬
成化十五年知縣汪璫重建十八年鄉

民構亭其上凡四十七
間二十三年復圯於水

鳴玉橋

在萬安橋南宋時建以下有鳴玉灘故
名紹興元年燬于兵僧圓澄募緣重建

嘉泰間潰於水開禧初又燬于兵
知縣徐憲重建改名長橋尋復燬

石平橋

在鳴玉橋之南宋元累建而廢明宣德
間御史王寶重建隨因水圯成化十五

年重修為石墩十有一上覆以亭凡五十六間
復圯於水下有磨劍石識云磨劍石平方出公

卿故名明廢以上四橋
俱在城外今俱廢

溫泉橋

龍津橋

平沙橋

以上三橋俱在保安里

朝天橋

在一都清潭渡宋時建後廢明正德十三年巨商許文經捐貲重建狀元舒芬

為記復燬曹觀察學佺倡建今廢明邑令楊德周記云朝天橋之圯而經始也古邑之官與民佐其費什不能一二而財施法施多方拮据經緯底於落成則大觀察能始曹先生實為政於斯役有百世功焉橋當邑之孔道旌節輪蹄往來如織自昔有橋亦壯偉甚爰以夏潦洿溢遠谿逆讓噎溜不瀉級楚角楹交啣於洪波而版退石崩不勝褰裳之厲與擊榜之勞矣余初蒞

邑先生請之上臺之蠲緩縉紳之捐貲及已所斥助已規料有成緒一日以書來備畫所以鳩工竣役狀余拙吏也其才既不及強有力者入面游办具大霹靂手以了公事而性又最嫉居官托公行私借興繕以饜其腹者以故在事無擾民之秕政而亦乏濟民之仁術自非先生僉謀獨裁出有經用有度勤而行之無少倦卻理此妖矯虹截者表撐交構攢扶瑣縮其烏覩厓廉縛緹阿榮跋踈禦搪激之暴而人不擠於溝馬不陷於濘哉古者置三老五更各一人皆有年更事致仕者天子執經乞言詢帝王君臣政治之要其於國事民生多所裨益後世此禮既廢鄉士大夫僅亦優游林泉詩酒之樂而粉榆有大脩舉膜外置之上者亦第舌端鑿鑿筆端纏纏止耳求如先生為德於鄉躬行實政目紀成績為縣官興墜舉廢補所未逮而又為縣官清緝覈筦明其無染者則先生不特於此地拯民瘼而所造在事者之涇渭如鑒仁人之用心

真出古人上矣閩中蔡端明之萬安橋糜金錢千四百萬世傳宰官具大功德而余聞寶祐中僧道詢所募貲作盤光橋其自洛陽橋東接島嶼較端明所建更加延袤如許不知當年經費何以羨此今先生此役其人力所至亦似有隲而助焉者而端明以當事先生以里居其為力難易更自不同又况古邑固先生之鄰封也耶而邀潤寧止九里耶論者謂先生一朝舟楫百代津梁此舉僅其小經綸而乃其於普渡為慈航於成梁為王政究速壞於既往而圖可久於將來今茲聯行環擁睥高窺深江湄如行枕席水面不假龜鼉既無負薪瓠子之歌而亦無沈鐵浮山之費此固已盡見舟楫津梁之全局而東山閒屐旦暮應求舊之詔而起則當世之倚舟楫賴津梁大用正自無窮矣先生所在有求賴之功如桐口之靈光連江之安利與此邑輿梁蓋幾告成矣而功成不居雅不欲如端明之告成事特書道左要以父老之頌百世利者不

可以無澳梁之紀余故畧沿其巔末志諸不朽所愧材謝昔人不能為肩吾文琮之詠與鄧軻文同之記云爾公名學佺字能始號石倉先生萬曆乙未進士今以觀察使予告再奉詔起用福州候官人其効勞勤者巡簡應時達緣首丁尚貴例得附書

永通橋 在一年都鹽運分司下明嘉靖五年建萬曆三年重建

迎駟橋 在二都谷口宋時建明廢

潮魚橋 在二都

谷口橋 在二都谷口明萬曆甲辰年知縣王繼祀建

萬壽橋 在二都谷口明萬曆二十七年知縣劉曰賜建

寶坑橋 在四都明弘治間建嘉靖四年燬

花橋

在四都明萬曆乙巳年知縣王繼祀重建

洪坑橋

在七都明成化八年知縣黃玠建嘉靖三年燬

曹洋橋

在七都曹洋舖宋時建名開禧明永樂十年重建改今名景泰三年圯於水知

縣杜永濟尹古相繼重建隨圯成化間知縣徐忒弘治初知縣屠容又建正德七年圯萬曆三

年知縣周炎建縣丞潘可權成之國朝復圯康熙二十二年邑人丁先正倡建雍正六年先

正曾孫騰起募捐重修有碑石又圯乾隆十年署縣張學舉請帑重建乾隆十五年五月復圯

明邑令楊德周詩峭壁沿溪路幾盤霜華月色夜漫漫平橋燈火穿林度驚起沙鷗過別灘

國朝邑令張學舉詩跨峽為梁喜落成使君行後路人行不驚雪浪一條吼但覺雲峰四面生

功濟洪川歸賜帑手摩高碣愧題名南溟去此無多地竟作橫騎駕海鯨

浣溪橋

宋時建明末廢

凌橋

槐門橋

俱在八都

會堂橋

在十都

轉水橋

在縣治北明嘉靖三年重建構亭其上名曰水雲國朝林首達詩雲水由來

無定蹤南轅北轍此相逢亭前咫尺終分手便隔天涯路幾重

喜雨橋

在極樂寺前今廢

龜頸橋

紫橋

在縣治東北國朝順治年間建康熙三十九年縣民盧文樂倡修乾隆十一年圯

十二年邑紳葉標元募捐重建三山林廣記云
玉田之勝在翠屏山而紫橋實為山之襟帶溪
光澄碧長虹卧波當古屏二邑孔道允官吏驛
使之去來耕牧商販之往返駢肩錯趾憧憧於
岐路者莫不由此而通丙寅夏霖雨暴漲漂湧
巨樹衝激橋墩圯者逾半僅存傍城三分之一
咫尺天涯臨流病涉當事謀所以葺之久矣而
卒未有勝厥任者余友安陵尹葉公杏漁丁艱
歸邑令稔其能巧鼎力焉用是庀材伐石僦匠
肇工甫監樑而前所僅存者復燼於火衆皆難
之公慨然曰吾意本欲撤舊更新成一色鮮潔
與梁祝融氏其深知我意余但加一番整頓已
耳何足為我難者命急趨事匠人彭帝光亦願
茹淡素以獻力次第程功為墩六拱五可通舟
楫者二高三丈六尺長六十丈濶一丈九尺架
屋其上飛甍曲檻長跨遠拖行者足以避風雨
遊者足以供眺覽溪山勝概視昔有加勸募銀
僅得一千三百兩零不敷其用途自捐六百餘

金以濟之經始於乾隆丁卯仲冬至巳巳杪秋
工垂成而公竟以神苦形勞一疾不起矣余思
脩廢舉墜責在長令公以里居造福桑梓直視
為切躬之利害勤勤矻矻兩載弗休卒有以成
長令之所不逮是亦可謂惠人矣乃緣此而隕
其生過斯橋者能勿且歌且頌而繼之以泣也
夫

金坑橋 在十二都康熙二十八年邑人丁先正
捐資建造雍正六年先正孫登閣登弼

曾孫騰起捐修

仙人橋 在十三都剗石為之俗傳仙人所造兩
傍翼以石欄左側尚缺其半巖上有靈

石菴今廢其址尚存橋下石磯仙人履跡在焉
一澗潺湲千山翠嶺且怪石昂蹲是一勝境也

錦溪橋 在十三都宋時建明洪武初圯於水成
化九年鄉人謝疇重建併覆以亭

天王橋 在十五都現
在募緣重建

桃洲橋 在十六都 國朝林首達詩桃洲橋畔
覓桃花溪水流來片片霞世上已編新

甲子洞中曾種舊桑麻雲寘絕壑泉聲冷日閣
孤峰樹影斜為問避秦人在否可能同上釣魚
槎

沙洲尾橋 在十七都

高攀橋 在十七都宋時建明末廢 國朝雍正
元年本鄉生員包鴻經耆民程君祥倡

募重建邑人丁夢熊詩岸濶長虹跨天空爽氣
橫客從雲際渡人在鏡中行萬樹低看渺千峰

遠眺平春濤兼漲
雨彷彿聽雷聲

鄭源橋 在十七都

平湖橋 在十八都明洪武三年鄉人林良王宗
年建成化十三年燬十七年耆民黃元

啓募緣重建構亭其上今只跨木板以行 國

朝林首達詩晴湖極望水天遙烟井參差隔一
橋蓼葉洲傍漁艇繫杏花村裏酒帘飄人行人
憇今猶昔川漲川平暮復朝忽聽清音來遠岫

牧童牛背
穩吹簫

庄尾橋

一保橋 俱在十八都

西溪橋 在二十一都

藍玉橋 在杉洋明建

虎溪橋 在四十都

沉字橋

在四十一都舊傳造橋時有謝神童過而題之中梁書聖人必得壽月重輪星重暉中國有至仁書同文車同軌旁書衣錦東歸擁高車乘駟馬揚鞭西上騎白鳳跨紅鸞又過石梁蹈天津昇仙有便撼乾樞乾坤軸利涉無邊又鍊柱千年屹西川之舊址玉虹萬丈據南郡之上游又含元殿承明庭穩為柱石般若舟菩提岸廣植津梁語奇筆勁墨跡襲在橋梁間若沉入而不可去故名沉字云

松巖橋

在四十三都舊圮於水明嘉靖三年都民募緣興建萬曆二十六年知縣劉曰

天字橋

在四十四都明萬曆二十六年建

普濟橋

在四十四都地名安樟元時建明永樂十一年僧法顏募修景泰間圮於水正

德五年燬萬曆二十六年又建

臨水梳粧橋

在臨水明嘉靖間建乾隆十六年七月圮於水現在募緣重建

百花橋

在臨水廟上明萬曆丙午令王繼祀建

雙溪橋

又名雙澗宋元間建後廢明成化中鄉人林景全募緣重建構亭其上

丁字橋

地名重峯二水合流宋慶元二年里人林湜建二橋一縱一橫形如丁字故名

吉口橋

以上四橋俱在四十五都

長洋橋

在縣治南門外

下橋

出水口大路離湯壽橋十里國朝邑諸生李士弘詩塘屋門深閉橋中禱者逢昇

卒亦為農

湯壽橋

在湯頭舊名楊橋古田路閩清界下有

十二年重建景泰三年圯於水成化九年知縣黃玠募修伐石累址數年始成復圯萬曆二十六年知縣劉曰暘又建至三十三年燬知縣王繼祀捐俸率令耆民督建橋頭構祠亭亭豎碑記 國朝復圯康熙六十一年僧自能刻苦募緣竭力剏建甫落成十餘日即燬其半數年後盡被冲流明候官陳一元撰重建湯壽橋記云玉田之南七十里有溫泉焉泉之側有舖名湯壽舖舖臨溪流急射底深莫測架橋其上即名湯壽橋迺縣都抵會省車馬晨夕必經道也東西相跨橫亘迢遠屹然鉅觀創始於宋迄我朝正統成化間屢圯屢建至萬曆二十年復圯於水經營復建工費不貲凡五閱歲始得就今年二月行者弗戒一夕竟燼于火僅以小舢代

濟卒然遇盛雨山水湍漲榜人縛其船或漂去往來心惻臨流長嘆而已余同年震川王侯治邑凡五載以子惠敷政屬邑利苦靡不殫赤為民興革殆盡目擊橋燼嘆曰士民病涉責在主者第橋工夥觀期迫不能觀厥成奈何雖然吾不忍民之徘徊趨趨而漂且溺也乃亟謀於縉紳文學三老里氓僉曰侯為邑行李計良苦第度費甚鉅欲藉公帑則銖錙尺緡悉登版籍何敢自愛其橐且以我民之故重煩我侯為侯大喜首捐俸若干石為民勸復念若等已明義樂輸宜如糴庶輸委均無所偏吝仍爾耆老等司出內于是民亦大喜不兩月而輸者翕然告充廼召工采石伐木而巫施君簿汪君尉陳君則力更董其役課章程鼓舞之匠氏亦大喜胥效力經始於丙午之初夏至暮秋而落成址仍其舊有燬毀崩隙則負砥磨稜合縫稍增而高厥廣可四軌脩幾三百武為亭三十有七間翼以左右遮蔽風雨橋頭有祠其堅若礪其矯若虹

徒者與者日相踵若履周行而惟呼相屬也莫不頌侯之功且異其成功之速疑有神助焉式歌且舞復謀所以志不朽而徵序於予余惟脩理橋梁王政所務陳橋弗勸單襄是訊在漢翟雍州治渭獲巨木數百橋之民樂其便李冰橋蜀曰七星蔡襄橋溫陵曰萬安皆予民以周道之砥免厲揭之虞垂休至今侯斯役不損公帑能齊民之力善用之使相率赴事所謂悅以使民民忘其勞侯之謂乎而侯之德政深入庶民子來于斯益微已橋成而造古田數百世之利以視雍州諸賢何讓哉余故樂為之記侯名繼祀辛丑進士浙之歸安人施君名命臣青陽人汪君名廷春貴池人陳君名一厚潮陽人諭祝君名堯年德興人訓莫君名與儔陽山人童君名紹德連城人皆協贊且各捐俸以佐其成者於法得並書 教諭祝堯年詩橋結跨深潭水急喧崖石夾岸樹叢陰年深翳蘿薜駐憇湛襟期嘯傲忘日夕心與水光澄追思長卿筆 邑

令楊德周詩萬峰遙落碧波中宿莽平橋側徑通望裏關門猶廿里半村烟樹夜朦朧

溪口橋 在葛波村久圯 國朝乾隆十年里人陳國瓊募建

湯頭渡 在湯壽舖前

萬安渡 在縣治東門外

通津渡 在縣前水門外

清潭渡 在二都有橋後渡不設

臨洋渡 在十四都

溪山渡 在東門

紫橋渡 在縣治東北城東溪流橫斷民多病涉向已設立臨洋溪山紫橋三渡征確稅

以給渡夫工食有橋後則溪山紫橋二渡不設

坊市

承流坊

在縣譙樓東舊名通德宋令洪天錫為林擇之建後燬明永樂間改建為承流

又改為善政成化十年復改名承流正德七年燬

宣化坊

在縣譙樓西儒學東明洪武初扁曰善教成化十年重修復名宣化正德七年

燬

仁壽坊

在縣治五保元時為邑人陳天順立明知縣尹古重脩後燬

興賢坊

在學宮右畔明萬曆二十二年知縣劉曰賜改其扁為文運重光今廢

蘭魁坊

在縣治北大街宋令留元亮為省元蘊大璋立明廢

文登坊

在縣治北宋時立名畫錦明洪武初改為文登今廢

文興坊

在縣治北舊名達英明洪武初改名文興嘉靖元年燬

叢桂坊

在縣治北明永樂九年為舉人曾斌吳牧立今廢

攀桂坊

在縣治北萬安橋巷口宋嘉泰間為林森立明廢

玉堂金馬坊

在一保舊名雲津洪武初為翰林學士張以寧建弘治六年知縣屠

容重修崇禎壬申復燬

步蟾坊

在縣治北明宣德五年為舉人林獻立今廢

恩榮坊

在煥文橋傍宋立

登俊坊

在中街

興賢坊 在後街佑聖宮前以

雲梯坊 在後街元時立明

兼善坊 在縣治西北元時立

登瀛坊 在縣治西明宣德年間為進士陳敏政

名曰春魁正

應奎坊 在縣治北明天順元年

擢秀坊 在縣治北明天順間為

青雲坊 在縣治南明弘治九年

賓俊坊 在縣治北明嘉靖二十二

鳳鳴坊 在縣治北大街明正德十

進士坊 在迎仙橋畔明弘治三

褒恩坊 明弘治年間為誥封

大方伯坊 在縣治北大街明正德十二

城隍坊 在三保 張學士坊 在三保下馬

進士坊 在南門外明萬曆年間為進士余文

貞節坊 在縣治北大街明成化七年為旌表

孝子坊 在縣治北雍正五年

烈婦坊 在四年為郭聖昌妻黃氏 旌建

烈女坊

在三保達德坊邊雍正元年為林曰肅未婚妻陳氏建

節孝坊

一旌表陳天顏妻姚氏在二保六神巷口一旌表陳德寬妻周氏在二保西

園巷口

一旌表何家翁氏在二保後街一旌表徐家陳氏在三保油巷口一旌表江詩

雅妻彭氏

在迎仙橋一旌表魏學洙妻江氏在八都羅華一旌表陳玉才妻鍾氏在九都

楊坂

識畧云余既為林劍溪先生創坊因簡志中有不可不復者宋令洪天錫嘗為林擇之建通德於譙樓之東則今定宜重複與劍溪坊相對東西輝映先後而惜乎時絀尙有待也其他尙有

蘭魁坊宋令留元亮為蘓大璋立則宜復張學

士玉堂金馬坊崇禎壬申燬於火則宜復羅方

伯坊舊有二宜復其一曾縉妻趙氏有貞節坊

則宜復其累科鄉會榜當時亦多各豎一坊今

或總立以垂諸後似不可廢

又云林先生坊在譙樓正西縣治聳然見之形

家謂此鳥革者不無稍碍余謂此聳然所見令

官與士民耳目之油油作其忠義之氣未必

非警發一助而先生芳靈不朽兼有在旁之質

司吾明庭渺茫之說知無以彼易此也達觀君子重加護持必無異說矣

又云仁壽坊在縣治之五保今燬元時為邑人陳天順立順應元皇慶元年間歲貢不仕年一百八歲而終順父陳鳳任廣東左布政使陳氏家譜可考舊志載天順年間重修此乃因其名而失之矣

縣前市

煥文橋市

文興坊市

水口市

黃田市

東門市

蝦溪市

在縣南水口大江之濱
即蝦溪頭商旅往來

古田邑中舊羅祝融之慘室居廬舍屢棄煨燼坊之所存十僅一二耳然國家旌淑表賢樹式於疆井之間典至隆重未可遺也故摛而志之至於市寡益覘風醇蓋士圖攫利民務逐末賢王惡之二端之載一則使其知慕一則喜其務本詎敢忽哉

街巷

大街 南自太和門北抵節鎮門

中街 南自按察分司邊北抵油巷口及後街

後街 南自紫極宮前橫街北抵文興坊巷轉西向北直至後林巷口

縣前街 東自青藜閣西抵中街

縣後橫街 東自城邊關帝廟西抵迎仙橋

下市橫街 自南門抵勸農橋

上坊橫街 西自玉堂坊轉東至教場門

後林巷 東通大街西抵水松坑口

趙家巷 西出大街東抵城

萬安巷 東通城門西至街以上三巷俱在一保

文興巷 東通城西至後街及後林巷

方厝巷 東通水門西抵大街及後街至郭厝園巷曲至普濟井

莊家巷 直至郭厝園邊起曲至普濟井

金井巷 東通城西通街出後街

張厝巷 東通大街西抵後田以上俱二保巷

蔡舍巷 東通水門西抵大街油巷 東通大街西抵吉祥寺

湯舍巷 東至街西抵中街直出雲梯坊巷曲至後林巷以上俱三保巷

長橋巷 東通城西抵大街丁厝巷 東通玉灘門西抵中街

當街後巷

縣後巷 南從煥文水門轉縣傍至學後街西至迎仙橋往後河路

慈濟新宮巷 南從迎仙橋北橫轉曲陳魏屋邊巷出三保後街以上俱四保巷

分司巷 東通大街西抵按察分司往後河舊路

石平巷 東通石平橋橋崩門塞後為民居抵大街巷尾有井

雙塔巷 巷口有雙塔東通大街西至後河

朱舍巷 東通城西至大街舊有水門後塞

後庄巷 東出後河西俱抵城

下庄巷 東出後河街北俱抵城以上俱五保巷

官路

黃田水口二驛路為官府往來要衝向熾隘蒸

蕪僕夫輿從甚苦馳驅明萬曆三十三年邑令

王繼祀奉按臺方檄脩理道途於公帑支給外

更捐俸令耆民葺修之邑尉駱夢熊實董其成

周行如砥民甚便之

明邑人羅榮水口街脩理石路記 吾邑古田隸福郡介於上游山

深地僻里落希而生資薄談經服儒者什一餘皆治田畝而已工藝商賈取給隣封四民之中蓋闕其二鄉市惟以斗升暨多寡濟百用然官府征繇泊輸兩京者非白金不行山間弗能有

也必負米出水口易焉米之藁為趨亦裹裝出售夫水口古田萬壑之水會為巨流入大谿上接延建下通省治自邑城至此九百里叢巒疊嶂巖壁巖崿嵒嶺萬狀林木蒙密一望千嶂有仆壞而樵柯不及者蘿蔓交加獼猴跳伏鳥聲寥寥山行沿谿多危灘怪磊水激噴如雷霧不可舟航負擔者隨鳥道上下數步一柱冬月猶揮汗至水口為市民居相對臨壑東附山西懸巖並纒垂結構如巢路墉於石歲久坍塌科坎溷穢晡時負者至室廬逼仄憇息露立又無駐足之地羣咻囂譁雨後淖淖沒踝蹙蹙入戶扉底穢惡涅席行與止者兩病焉正德癸酉夏五月住民許文經輩乃圖為周砥勸義捐資召匠氏伐石盡去坎坳而平之中寘全塊廣三尺左右廂條各一尺微倣龜背以行水稍低為蹬道者幾所總四十五級濶一尺二寸厚殺三之一以渠橋為起止縱計一百五十八丈中尾二巷并宮前街道亦級以石又豎碑亭九費白金二

百餘出於衆心所樂從閏八月工畢由是行稅駕負息肩居者出戶坦夷晚風涼月席地可坐童冠絃歌婦子綺襦慶問往來皆于于也其一方之幸哉予聞涂軌有差冬官所治國朝着令農隙修理是王政所先在有司非細務也水口之鎮商民鱗集自設邑來吏茲土者衆矣顧未遑及文經輩乃能致力數月而舉之功良可嘉也已不佞為書首義與同志者氏名勒石碑陰四方來觀有徵且知勸云

公

公署

釜中生魚苦節難爲貞能者何須若是苦也境
內集鳳祥符多疑僞賢者何必致斯祥乎亦惟
坐堂泣其事入室思其艱總期上無負于乃

后而下有濟于斯民所存可以告天地所發足以動
神明則豈弟君子之譽舍此其誰歸哉志公署

按古田縣署肇自唐開元間宋太平興國遷於水
口今驛其故址也端拱中遷還舊治宋設令並
簿尉簿廳在縣側尉廳在縣東南元豐初增西

尉崇寧間增設丞職各建廳事元至大達魯花赤建譙樓改典史幕於正廳之西正廳扁曰公對生明廳之後曰琴堂至正中重修扁仍其舊明初改廳東為典幕廳西為架閣庫兩廊為六房北穿堂南儀門門以北道中豎戒石亭儀門外東為土地祠西南為縣獄譙樓下闢縣門洪武三年知縣韓秉嘉始建官廨琴堂北為令廨丞廨居東簿廨居西典史廨居西南隅吏廨附兩廨廊後環繚以垣立旌善亭於縣門左立申明亭

於縣門右嘉靖間知縣徐建重葺穿堂樹屏墻墻外民居錯逼捐俸買地折廣橫衢東西立平政敷教二坊後燬堂廨久而頽圯縣令劉曰暘正其欹斜未遑改作獨謂儀門卑隘捐俸鼎建之縣宇隣學宮周垣俱圯並加繕葺縣後舊有直街衝其背仍建聚奎門樓下衛以垣改其途東向而西轉題其樓曰斗樞台鼎國朝因之

古田縣題名記

按古田建邑肇自漢襟阜帶谿巖阻遐僻遺獻
徃徽誌牒弗詳故設官置令罔晰所始是以循
良之彥久湮銅墨之蹟靡著題名曠缺所致然
也夫存樹風猷沒流聲烈旣寢故老之譚必備
不泐之碣嘉靖己酉適邑侯麒山吳公捧檄蒞
田頒布規條振飭廢弊吏民懷懾惠利川流逮
茲三載政遂大和顧題名闕焉無以紀往示來
也乃命工伐石列載前任長貳姓氏業已鐫丹
屬涓記之惟署驛之有題名從古已然今內而

部寺臺省外而藩臬郡邑在在有之豈惟侈榮
達衙觀美耶以範古者承其徽以風後者開其
軌所由牖人心而善化理也在昔司馬光諫院
一記千載而下有遺警焉邑何異是夫官之近
民莫過守令而令之于民則尤親焉蓋休戚苦
樂可以朝夕而習見者也故朝草一弊而害夕
去之矣朝興一利而惠夕加之矣閭閻之愁瘁
可以條陳於上監司之德意可以宣達於下養
行則民殷教施則士勸喜則易於見德怒則易

於見威若丞與簿所以佐令亦莫不然故詩曰
 樂只君子民之父母令之親民正謂是已君子
 之澤百世不斬甘棠之詠樹猶見思今公題名
 之舉意寧不在茲乎將使後之人牧者按碑而
 指某也仁某也廉某也才敏某也慎勤若而人
 焉寧不勃然歎慕忻然思齊乎其或不能盡然
 者亦寧不惕然自省瞿然引咎乎視其名則必
 稽其實論其世則必反其身故彰往所以勸來
 也鏡古所以善今也著察存乎表碣鑒戒取諸

堂序題名之不可以已也如是公之用意豈小
 補哉公固邑之循良政理之績流於金石實無
 愧云涓幸執筆札之役附名羣公之末獲與貞
 珉共不磨滅豈非有數存哉僭為之記俾後之
 嗣公者得有所考焉嘉靖三十三年歲次甲寅
 冬十月之吉邑人東臯郭文涓撰

邑令徐啓東衙齋詩

故園一別又經年兀坐空瞻
尺五天極目樓臺春浩浩蒲

郊烟雨草芊芊倚床誰聽桓伊笛泛釣還隨
范蠡船看破從前十年事羞將短髮向人憐

主簿呂天華衙齋詩

衙齋寂無事兀坐讀殘書相
對惟高閣頻來只小胥侵晨

花傍主未午鳥窺除心事憐看鏡生涯問把鋤
無錢堪飲馬有釜已生魚躑躅太行驥支離官
道樗欲尋行處樂每嘆出無車當戶苔痕繡滿
亭竹影虛間間已忘吏僮僕漫愁予琴月來清
照松風透碧珮升沉付溟洋俛仰任蓬篠自省
衰無疚還看德有輿波流空汨汨本覺獨如如

何日修三徑
行吟逐佃漁

縣尉盛景官舍詩 縣門如水倚崢嶸租稅無多訟
亦清有酒可斟詩可咏也無官

長要
逢迎

邑令楊德周署中詩 山晴萬疊倚巔岷自笑迂踈
老一官海隔不知魚味羨山

寒那覓荔枝丹訟庭調鶴三秋瘦吏案刑詩
午日繁近報催科書似織朝朝翹奠主恩寬

楊德周重建尉廳記 古田尉廳漸圯居者有棖崩
棟撓之憂會山陰沈君來請

於余重建焉顧盡捐此五斗俸錢不費民間一
椽也余作詩落焉而題其額曰命卿沈君曰將
無惜諸余曰古制大縣丞一人尉二人小縣丞
尉各一人俱得稱命卿余說固有據疇得以借
嘗歟他尉司邑之捕緝而古田尉以什之七奔
走黃田水口兩郵間陸行無停轍水行無餞舟
其在署恪于職而佐余不逮僅什之二三耳余
嘗謂尉署宜建兩郵間或有寧處今在縣治坐
不暖席而乃煩此經營為當官之義在位一日
盡一日之職固不得以卑貧故輕自菲薄也考
五代時節度使常補親隨為鎮將以有所憑藉
肆為非法宋藝祖深知其害于建隆三年每縣
署尉一員盜賊闖訟盡以委尉然則尉在昔以
奪鎮將之權而在今以參令尹之事綦重哉昔
梅子真嘗為尉故尉得以仙名今之尉未免墮
雲霧其于古田在愛逸憚勞者更自抱泥塗之
嘆也余謂雲霧拂拭泥塗振拔亦存其人而已
卽以余在事有陳巡簡者來署尉事三日而病

病輒歿已有鄉民告其受賕百金聞御史臺者
訊之茫無所憑第供告密者導使然耳易尉以
不法逮治所列多屬風聞此其事或白或不白
俱無庸深論要以尉在外日久有積忿積寤兩不堪
勝難矣惟是尉在外日以激之兼有以嘗之夫激之者
者左右未必無以激之兼有以嘗之者又其屬
固若輩觸望所借滿其舵舵而嘗之者又其屬
饜之餘也倖中焉於民曰勝于官曰猛此不可
不察也沈君心平而志潔平則激者退潔則嘗
者又復退兩病芟其根則百務畢舉而循良之
望起庶幾夙夜以永終譽雖謂此署即勿剪勿
伐之憇芟可也一介之士存心利物必有所濟
何况天子之命吏吾盡吾職其他順而聽之曾
以易吾居之易履之素哉今君以觀行當書上
考選而皮命卿之職歲月尚賒沈君其勉焉毋
以卑貧故少自菲薄此所謂存乎其人也若余
所言當是拔本塞源之論君固良吏安事余贅
弟為後來加一砭耳先是姑蘓有盛公臬者以

西臺謫是尉公善詩且善諱有云吾去一御字
尚存一史字後遷令以行是不可無載故併及

儒學解在崇聖祠後正齋居西偏齋居東面前截

構義學其後座係偏齋住焉雍正乙卯年訓導

分典屏南學政其房屋被風雨摧壞僅存基址

譙樓在縣門前

國朝邑人方祚隆鼓樓記

治有鼓樓置銅漏畫鼓于
其中壯觀也實宣政焉辨

晨昏嚴啓閉示作息天時地利人事於是乎繫
非處於可有可無之數也古田地廣三百八十

三里袤五百五十五里堂建於縣中黃侯鳳翔
前監鼓樓多歷年所矣丁亥一炬可憐焦土越

三十六載而鄒侯來蒞茲邑殷然念之倡樂助
以舉事命工視基命匠庀材因詠吉興役四閱

月而落成邑之父老以予族隸于輦下衆請作文以記之侯數典縣符予稔其長材匪朝伊夕卽蒞古田也修櫺星門先師式靈矣修明倫堂廣文起色矣清田冊而猾胥斂手矣清短畝而豪右循憲矣至於招久迹而亡氓有故土之樂均編役而圖里無苑枯之嘆格輿陳而輸將有恐後之異禁烟差而道路無軒輓之嗟且也寅賓築館歌緇衣也課士編程誦菁莪也食不兼味盤觴節也訟無寃牘囹圄空也由是上下一體馨鼓弗勝劉之獲之巍然縣治輝今耀後豈不偉歟侯聽政之暇偕賓僚時登斯樓也南望醴醕圓岡廣納溪流駛而復緩緩而復駛襟帶彎環滔滔有朝宗之勢焉其東則文峯挿於天外報夢生花金管以書忠孝銀管以書德行班管以書文章鼓之舞之者属何人耶而西則五華荷峰之拱峙也雲妍霞綺相傳仙人隱現于樹叢月潔清宵或時聽其珮履之珊珊者乎北倚翠屏如錦繡相圍草木香而景物佳朱晦

翁夫子昔曾講讀於紫橋之畔又爲張志道先生居宅近地當日臨流賦詩之區者也攷古跡而表章之悉吏治之急務也若費金錢司出入號版登名此乃所畧也

布政分司在縣治北大街 今廢

按察分司在縣治西 今廢

舊府館在布政分司邊 今廢

新府館在紫極宮之東今改建陳公生祠

捕盜館在杉洋今作協防公署

都轉鹽運分司在一都永通橋西甕權給引浮

橋橫江已申時驗放置鹽倉溪南貯鹽之沒入

者

陰陽學在縣治雲津坊 今廢

醫學在縣北 今廢

僧會司在縣西 今廢

道會司在縣北 今廢

申明亭在縣門右 今廢

旌善亭在縣門左 今廢

谷口巡檢司在縣治南一都宋設水口巡檢司

元遷谷口明正統元年革

杉洋巡檢司在縣治東三十六都宋元間設

嘉靖十年革

水口驛丞署在縣南一都宋元間設

國朝因之乾隆八年總督那 奏裁水口驛丞即以

縣丞移駐水口兼理驛務其衙署即驛署無庸

添設

黃田驛丞署在縣西二都

山川

邑北峙翠屏東挹龜山西枕北臺南際五華澗

山川

邑北峙翠屏東挹龜山西枕北臺南際五華澗
壑溪流滌洄如帶洵山水奧區也自唐迄今文
物聲名日新月盛齒繁產裕地靈人傑有以夫

志山川

古田之山可以千數水之滌洄谿澗亦難殫述載
入志中皆山而名水而利者

翠屏山

邑之背山也其形如屏舊名環屏山在
縣治北為八景之一國朝邑諸生林

首達遊翠屏山記云癸巳秋八月望前二口天
高風爽霽景澄鮮林子葛衫棕鞋偕衣雲老人

浮邱生携琴挈榼出北門外蘆荻蕭瑟溪流紺
寒一路蟬聲嘈嘈從鳥柏樹間出且行且止不
數武至翠屏山麓林子披茸剔莽曳杖而登二
客從焉直抵絕頂回視小奚尚陟其半揮汗喘
息不能上因笑謂衣雲老人曰吾與若髮雖種
種足力猶健天蓋予以着此一兩屐觀佳山水
也掃石跌坐縱目遐覽但見畫檻雕簷下臨無
地者為環翠閣蜿蜒如長虹狀去來行人不絕
則紫橋者是漁人泛棹劍溪歷淺就深前引後
逐稍上傍岸數椽即溪山書院宋朱子會講學
其中而吾家欣木亭故址已鬱堙于沙草久矣
城內烟火萬家攬不盈掌而文筆醴醕五華荷
峰諸山亦森如列眉於是飲酒微酣浮邱生彈
厓兒落一曲林子歌以廢之曰雲障今松關中
有仙兮遠莫攀悵望兮愁予呼之出兮我將與
彼語清閒歌罷暮靄橫空斜陽欲墜忽聞牛背
笛聲自轉水亭來遂相與連袂牽衣言尋故道
而返陳琮詩曉岫空濛鎖翠微濕雲如夢雨如

絲誰人濃潑山屏墨一幅南宮畫裡詩葉標元
詩縹緲雲端做畫屏雨餘山色看逾青陟資辰
齒防傷葛携得鋤頭想掘苓傍堞麒麟眠古塚
隔橋瀟瀟戲寒汀憑高極目偏生感寂寞溪山
第一亭

醴醕山 邑之案山也在縣治南俗傳山
下有泉味如醴可以致醕故名

僊亭山 在縣治南保安里上有醴泉道院院有
亭元時項道人居此得仙術因以名之

為仙亭山 國朝邑人張廸哲詩道人仙去幾
經秋曠代猶傳項此舟今日客從山下過寒蟬

鳴咽暮
雲浮

龜山 形如龜在縣治東
山下有洞名藍洞

月山 在縣治東南仙亭山之南形如半月杉洋
鳳林寺亦有之明高棟詩羣山形各殊一

阜狀如月遊子愛
清暉逍遙步林樾

古城山

花山

燕山 形如燕在
縣治西

寶泉山 在移
風里

半僊山 在縣治北俗傳有
仙人居焉故名

黃蘗山 在縣治西其山多桃塢曰桃塢湖曰桃
湖溪曰桃溪洲曰桃洲宋令許當詩闕

粵饒異山峩峩此稱奇青崖蔚高林朝日常蔽
虧上士訪幽趣結愛忘返期所以葵藿心江淹
寄遐思明陳白詩迥出眾峯外排空碧相照明
月落高層彤霞生遠嶠巖曉天鷄鳴谷寒風虎

嘯商老胡不來
靈草更神妙

旗山 在縣治南狀如旗
故名杉洋亦有之

五花山

五山

北臺山 在縣治西去縣一里許山
下有祠祀宋令李堪今圮

極樂山 在縣治西北去縣
一里許山下有寺

西山 在縣治西為八景之一明邑人高國定詩
流風迴雪掩晴沙寒擁西山處士家前路

曦微消不盡有人踏去問梅花 國朝邑人姚
萬里詩的的金沙映玉岡凍雲風掃漾晴光健
驢策向橋西去滿
塢寒梅帶雪香

五華山

在縣治西南五峯連峙聳峭千仞上有樓真道院禱雨多應為八景之一宋合

李堪詩尋源探雲霞中有金仙家綺疏晃飛翬雕欄燦朱華珍禽棲不羣靈泉流無涯清旭起

風篁空香送天花春雷會法鼓寒烟聚海茶奇峰峭如削芳樹一何嘉宜將翠閣齊絕與紅塵

賒終焉謝朝黼此地營丹砂明邑人張以寧詩大佛嶺盡小石來黑厓削鐵懸崔嵬泉翻石根

六月雪雨洗石路千年苔我行忽落青山外白雲四望茫如海黛痕三點見蓬萊明星玉女遙

相待九華天姥昔見之人間有山無此奇平生酷恨李太白不到閩山獨欠詩魏塋詩夜聽鶴

鳴松頂月朝看鹿走壑邊風玉簫聲斷無消息獨對空山憶葛洪陳芹詩一歲重逢兩仲秋驅

車西向五華遊登臨興盡歸僧舍風度疎林月滿樓鄭鐸詩攬勝探奇我輩閑遊遊長自不知

還况當明月中秋閏又在高峯絕頂間花縣一丸絃上彈雲山幾點鏡中鬟通宵倚杖青霄立

此境應逢此夜難張洪詩攀藤直上五華遊萬壑煙霞一覽收玄鶴翻松風習習白猿嘯月夜

悠悠奎星應聚山中寺蜃氣初銷海外樓此日昇平談樂事何當垂老近風流國朝翁文達

詩蒼然一叟雲中起旁梳兩髻立童子白雲朝鎖數峯巔晚抹霞光顏色紫霞光秋氣兩渾然

山叟荷鋤出山裏為道此山方盛時開宮闈殿極觀美牧童散髮吹洞簫遊客摠衣毆珠履未

幾一炬山寂寞丹灶無煙神仙死寺前松栢伐為薪廢礎頽垣惟舊址我道宮殿有何奇千古

名山不在此山靈想必愛清虛掃却塵氛如做屣山下看山便識山莫向山中題姓氏

小武當山 在水口隔江祀真武明萬曆乙巳建觀音閣頗稱偉觀名公多游咏於此

明鄭重詩玄關勝蹟耳多年今日登遊恍洞天堦下霜華連月色峯頭霧氣濕爐煙引泉香鉢

驚龍起入樹風濤攪鶴眠回首迷津知彼岸依欲結此生綠楊德周詩茶竹青藤石磴分行

五華山 在縣治西南五峯連峙聳峭千仞上有樓真道院禱雨多應為八景之一宋合

來片片踏松雲五更驛使歌鐘沸峯頂僧眠總
不聞又絕壑禪鐘隔水聞人間喧寂一溪分王
程亦有閒時節誰借中林半榻雲洪士英詩武
當隔岸暝雲低與客維舟日已西總為溪山如
罨畫不妨風雨踏香泥道心却愛空壇淨詩景
遙看古木齊倦鳥已歸林路寂千家燈火望中
迷

馬山 在杉洋之正南午位故名

旗山 在杉洋之西

鼓山 界於旗山馬山之
間其形如鼓故名

石崎山

巖下山 在三十八都善德院村下有石洞雲氣
蒸鬱 國朝黃龍光詩峭壁千尋一洞

開仙需縹緲護莓苔巖頭指
點雙貞石節是青松品是梅

九龍山 在二都九峰峭壁中有六
石以小石擊之戛戛有聲

華巖山 在十
五都

文筆峰 在縣治東重巒疊巘突出
一峯其形如筆為八景之一 國朝邑人陳安策詩

蒙陰久已障雲天掃却荆榛意豁然
衆阜聯來表作僕一峯卓處大逾楮
金聲擲地三台賦霞綺凌空五色箋
從此好承新雨露筆鋒犀利正無前

尖峯

小尖峯

大僊峯 一名荷峰仙明鄭重詩天寒朔雁正歸
時携酒登臨話故知水勢暗從千澗下

山形高瞰萬家卑輕風斜落參軍帽暮日愁催
宋王詩莫訝尊前頻潦倒挿萸又是隔年期

白銀峯

鳳狝峯 宋蘇大璋詩早起聯鑣上翠微瞰虛歷
級步嶽嶽昔聞華頂蓮生藕今見南山

菊滿籬巨眼橫看天地濶壯懷惟有鬼神
知安期引我丹霄路十里雲烟特地披

賜谷峯

幽巖峯 在幽巖寺後峯有巨石五代晉天福五
年一夕為雷所擊裂成品字又名雷峯

富峯 冬月積雪望之
如千樹梅花

大夫峯 在藍田之蓋竹山有通奉大夫中
丞李皇臣先墓因名其峯

麒麟峯

獬豸峯

象峯 三峯皆以形名橫直十有餘里 國朝余
琳詩避暑入林端登臨擬謝安石床欹枕

卧香露帶花飡濤響松千丈雲迷
竹萬竿此中間自得淨世任波瀾

金僊嶺 上有金仙宮看磴盤曲陟其巔眼界一
寬為八景之一 朔林春秀詩何年山下

住日日着雙履寧知
入山深不與金仙遇

天宮嶺 在十
五都

福全嶺 在十六都
俗呼復船

牛頭嶺 嶺高而遠上下紆曲二十里明高棟詩
風傳瀑布響潺湲片片桃花逐曉昏匹

馬衝寒經地險亂峯如約赴天門煙迷複嶺疑
無路鷄唱平原見有村到處逢迎春自樂向人

何必念家園郭文涓詩復嶺崔嵬直接天煙花
 三月最堪憐千尋溜雨蟠虬木萬仞奔雷噴瀑
 泉峭壁綠雲危度馬叢林礙日亂啼鶻追懷蜀
 道馳驅際世路驚魂重憮然黃中詩路入千山
 上人行萬壑間嵐煙同淡淡泉雨共潺潺車馬
 多為滯林蘿不可攀何當見兄弟一笑破愁顏
 鄭鐸詩牛頭峻嶺萬山巔簇簇峯巒翠黛連人
 在日邊青鳥外花開天上白雲前正看馬跡逃
 春草忽聽鷄聲起午煙身迹偶
 然遇絕頂逢人疑是地行仙

岑洋嶺 在四都

羊角嶺 在湯壽舖十里而遙嶺勢巉巖其巔有亭

塔嶺 在水口之北嶺上有庵庵前有塔亦一奇勝云

馬蹄嶺 在二都與黃田相近

僊巖 一名伏虎巖在縣西二里極樂寺後西山
 記云半仙巖峭壁如削遊者緣崖上下殊逼灰
 當崖之半倚岫構屋以祠仙姥循曲欄而左有
 小閣焉彷彿蜀棧環以翠屏帶以碧澗遠望城
 市隱隱煙樹間憑眺久之恍疑身在雲際僭顏
 之曰留雲大而系以詩雲壑恣奇探扶筇破宿
 嵐徑歇懸絕壁崖仄赴寒潭山色霏空翠天光
 抱蔚藍沐松煙彩澹浣竹露華涵洞闕花局戶
 林深葉覆庵壺天開異境海日挂幽紺老檜依
 僧寂天桃向客含詩標新石六香冷古珠龕野
 趣頻來愜溪清久坐諸閑雲飛不斷留鑠小窓
 南又半空層嶂出峭絕綺雲剗花閣危臨澗迴
 欄曲抱岩石華春自積山翠晚相銜欲訪青芝
 侶焚香誦葑函董養河詩盤盤回磴入雲斜架
 壑危欄霧晝遮千尺龍湫吹老樹半空虹板踏
 幽花仙姬雜佩瑋明月詞客芳樽挹晚霞坐卧
 定疑三島上何須更覓葛洪砂楊德周詩誰削

流雲六言尋宿霧岩半簷楮佛閣絕壁鎖經函
轉磴寒嵐合懸林暮景街驚人留好句神斧自
能剗又崖逼天逾迥心幽境不凡草香扶客屐
蘿色上僧衫孤澗青泥響千峯碧玉慘夜深明
月影笙鶴引前岩 國朝林喬材詩山水須尋
最上遊強支瘦竹步層樓泉穿石背轟轟落雲
傍山頭冉冉浮僧有問存隨鳥去客無繫戀為
仙留行行且共尋無極其奈綠慳不可求曾麟
祥詩石室多幽邃凭欄霽色開泉清堪洗鉢風
馥好持杯野鹿啣芝至山猿獻果來生公閒說
偈月上 講經臺

孔雀巖 在三十七都 中有仙迹

相公林 宗太宰余深祖邠國公墓在焉術云
當面畫屏侯伯位滿床牙笏相公家

磨劍石 在鳴玉灘下 識云磨劍石平方出公卿
後知縣留元亮平之云劍石已平公卿

出矣說者謂翠屏先生應其識 國朝朱蓋詩
磨劍石臨洲雄聲萬紀留電光長照夜霜氣永
含秋威勢搖衡岳精神貫斗
牛龍泉鋒已利代代出公侯

龍瓜石 在秀峯寺前 其形如龍瓜

龍舐石 在曹洋石有孔而潤 俗謂龍舐處故名

桃花塢

小桃溪 舊傳有逋民由白沙溪沂流而上至是
豁若洞天於時春風微和夭桃夾岸引

一人入勝恍然武陵之遺蹟也宋令許當詩桃溪
一何清想像武陵水所愛春風時灼灼花數里

漁舫日去來無人識歸止安知歷幽源不遇神
仙子明王傅詩清溪一帶綠桃花春來水上流

胡麻東風尋源信瑤榭雲中遠見山人家盱茲
山木籠晴景裊裊松杉亂天影少焉林壑衆籟

鳴中鳥飛來片雲冷二三老翁往東陂
 薛衣霜雪垂雙眉自言入山歲已久
 不知世上今何時傳聞有客還驚喜
 共薦清泉飯松子烟林霧篠不逢人
 碧草落花鋪滿地問予何事在塵寰
 那似山中日月閒乍逢靈境真堪悅
 區綠未謝還成別別後重來定幾時
 夢繞溪邊綠蘿月陳白詩樂彼溪流
 清誰得投竿趣潭底落華星崖間
 披彩霧青髻躍綠波翠羽鳴嘉樹
 桃花依舊春誤引漁人步林春秀
 詩輕舟一葉下高灘水沫斜侵短袂
 寒兩岸蘆花飛不起露濃日晒未曾
 乾張極詩青山曲曲問桃源烟禁初
 開柳色繁暮雨欲來添野碓宿雲未
 返暗柴門鷓鴣嘎嘎梧桐院蝴蝶
 翩翩荳蔻園不是乘春勤覽勝何為
 行過二三村

劍溪 在溪山書院前二水合流形如雙劍為八

舟月上蘆花釣竹收釣得魚來頻換酒扣舷獨
 自唱涼州 國朝陳勤宣詩荷岡一老叟家在

劍溪頭閒着烟中破靜看渚上鷗小亭楓樹
 暝古岸蓼花秋漁父偏知趣呼予醉釣舟

小湖 澄徹可鑑宋令許當詩水德潤於物此湖
 無謂卑溪壑有通源風濤無險期澤廣均

田澮功高濟旱時好看
 雷雨會騰踏起蛟螭

桃溪湖 方春桃花映水中有魚蝦之
 產故名在黃蘗山下一里許

平湖 水光瑩徹遊魚多聚在十八都 國朝邑
 人曾元蔭詩生涯白首寄蒲蘆雨笠煙蓑

一釣徒聞道前村新釀
 熟斜陽移棹過平湖

龍潭 國朝邑合張學舉禱雨詞曹洋峽水何轟
 厯石笋掃空地垠開潭心噴沫出巖上非

烟非霧常氤氳水簾百丈垂陰洞太古遺雪尚
 皚皚自然寒氣森六月赤景不到况黃埃相傳

其下龍所窟能興雲物祛炎燬今年適逢夏秋
 旱為民祈禱修虔來亂石嵯峨百千匝乘險不

異經邛邛刺潭深水響駭耳目旋山徙石爭滌洞
 橫中有物長虹狀光彩燥燥珠涵胎吁嗟老龍
 方穩睡見霓雨止何須猜我呼龍起投以檄考
 鐘不足搥鼓催龍須騰趨向天闕蔽翳驕陽禦
 洪災收羊神女應汝助金蛇其電玉虎
 雷南溟海勢浩無極倒捲滄波潤枯垓

新月潭 新月映水如鈞又名
 瀨龍潭在善德村

鳴玉灘 舊名洪瀨灘宋知縣李堪謂命名非雅
 改為鳴玉取陸士衡飛泉漱鳴玉句為

八景之一 國朝林首達詩一水碧於玉瑯瑤
 悅耳鳴雲飛何處去石露甚時平泛棹盟鷗鷺

褰裳采杜蘅少焉冰
 魄湧人與月雙清

戴星洲

桃洲

藍洞 在鳴玉橋東與平沙堂相對洞外草木繁
 茂其色若藍為八景之一 國朝高廷燿

詩藍洞春深不掩扉行雲朝出暮還歸
 蒼生久待為霖雨好向山頭汗漫飛

藍洞 又名白鹿在富達村唐藍文卿隱處朱文
 公記畧云出縣城度紫橋計程二十里踰

峻嶺而西有村莊焉故老告予曰此唐藍文卿
 所隱之藍洞也洞有景八間若岑巔遠眺龜林

奕暑恠石隱伏於中爭為奇態者以百計傍二
 大柱負土出高數丈宛若人形洞之東汀禽沙

鳥出沒枉渚中者曰曲澗飛鳧寒風歛霽晴日
 初升與凍雲相激薄者曰南寨曝雪寨上有坪

坪澗五里許循茲而降即洞南精華凝結處也
 中流砥柱為臺鼎峯洞之西山圓曲山下田環

四面波濤蕩漾為半月壩洞之西南為三台岡
 洞之正北為七星坵洞有泉水從石出甘冷異

常旁有古松一株落落孤踪儼若雲島孤鶴翺
 翔棲飲者為飲鶴泉洞之右有祠離祠五丈餘

即石牛坵也牛自雪峰來歛化為石成一古蹟云若丹穴處洞之水尾以山土多赤色得名山下溪橫截屹然對峙者碧山也山匝地白粉為白鹿所常憩處洞之背有金鷄岩每夜闌石牛遊食他所至碧山澗樹皆合候金鷄鳴石牛返樹合而後離于斯時也樹頭初日如掛銅鉞朝霞散綺曉岫雲開此石亭醉日銅谷飛雲之所由來也歟

無極洞 在半仙巖

白鹿洞 在水口白雲寺山上 國朝釋元徹記云寺山之絕頂曰焦蘭石土相含望之

玄翠交錯也陡建而下盤為大谷巨石嶙嶙彼此傾軋空中而為洞天雨則山水貫石竅四出又藁莽無路可尋蓋廢曠者久矣衲暇嘗探其穴猿攀而上意欲製塔終焉未果也丁丑巡鹽侍御公鍾諱申保窮險見之喜甚為築靜室從寺右闢路循水杠澗越觀音諸峯計十里許緣

路諸勝曰觀音岩曰望回亭曰可亭曰麋鹿橋曰古樹林曰來嶺曰一覽亭曰三聲塚步步為憇所洞濶一丈深七尺上覆以瓦以白鹿名仍其舊也下有閣曰上方菴右築小室一間袤廣各七尺與洞比連從上方倚梯登焉又右為衲塔基左則廚房也自丁丑二月至八月工竣計費百二十緡有奇侍御鍾公主其事而大鹹司周公諱元勳協成之衲惟萬緣皆空况桑海迭更興廢成敗何足計較但名山川呈露機緣與諸護法慨然興創之美不可忘也因拈筆而書之邑人曾志尚詩危巖迴接碧雲天躡屐登來最上巔萬壑松濤聽不盡薜蘿枝下月初懸

白泉 在都

溫泉 在湯壽舖前石穴中泉出溫熱往來人浴之 國朝林首達詩湯壽橋邊暖氣涵坎

泉溫比魯城南行人導我前來浴正值春光三月三

風俗

節序

畚民附

東西南朔風氣不齊奢儉剛柔好尚亦異古邑
向循山洞結習自宋至今士君子敦本務實小
人食勤嗇用守朱紫陽遺訓冠婚喪祭猶存醇
樸之風由斯以觀移風易俗豈不在人哉志風
俗

風俗志古田舊爲山洞山迥還鱗次四面環擁溪
水不見去來門路長林邃壑嵐陰至午乃霽田
歲一穫地瘠無蓄聚惟負米出水口而已郡

志邑俗鄙樸勤力居山谷遠者往往逋賦好鬪喜訟頗易動難安云

平厓林鉞曰古田萬峰摩天亂石激水不通舟車中衍以居民天險利守山伐利民

宋邑令陳昌期學記云邑人貴巫尙鬼景德間令李堪禁草巫鬼民始識仁義禮樂知教化

元吳海送鄭訓導序云古田在昔提封之廣居民之衆邑里之華文物之盛蓋彬彬焉

羅榮記曰邑依萬山中延袤各四百里民無末

作勤生於田因地卑高而邱塹之雖層巒疊嶂泉可引漑盈尺不遺惟地衍田廣林菁蒙密鄰封流轉之民於是爲歸逋逃不逞者亦間托足焉

古田建治山坡漸平處無舟楫之通民務稼穡鮮逐末之利昔號力田近古信然而信巫好鬪則沾染使然也至工技隸役多出流寓之人其衆繁然而殺鄉鄙細氓如三十八九諸都或地确而謀生之難或林茂而竄匿之易故頑訟逋

賦潛肆剽竊不能盡無自我

朝仁漸義摩以來道輸訟惕無椎埋之盜多絃誦之

聲何一變若斯也善乎謝司寇杰與劉令書曰

古田僻在一隅民頑俗獷夙稱難治其實天真

未濟治之無狀非民罪也今百墜俱理民不擾

而俗以維新乃信非邑難人乃人難邑也楊德

周識畧云客有問古田風土者余答曰邑人林

春秀詩云田家多製糶畚客少租山又云灘險

舟行阻家貧亦業儒人文崇孝弟生計薄屠沽

亦可以見玉田之大概矣

李元若勘田山行詩

鳥道穿雲入征夫嘆路遙
樹森天欲暝泉瀉暑都消

簞食迎村叟岐途引谷樵
險艱隨處是周道且停鑣

徐焞古田道中詩

百里廻溪不斷鳴石田遙與
眾峯平茅遍野屋茸茸影竹

引寒泉細細聲路到高時愁絕磴山當開處
見孤城單車獨向雲邊出窮盡輿夫一日程

明楊德周玉田雜詠

孔道駸駸兩置郵鶴庭遙在
萬山頭溜尋岩轉無邊響雲

逐峯迴不斷流舊治因闕迷絕壁新城草市
迥危樓千秋多少誇循吏村鼓年年賽李侯

劉疆闢地儼冠簪尚有畊夫拾玉函百里販鮮
多忘遠千村製糶不知酣鐘唇箭簇看前跡漁

唱樵歌隱暮嵐學士文章御史節雙懸日月照
天南高低隴畝事畊鋤洞壑荒荒井邑踈莫

特溪山稱樂土亦經兵燹痛殘墟杉洋銷甲留
 遺愛谷口鳴鉦有特書保障左遷王令尹當年
 殿最竟何如講席千秋誦考亭二林流韻有
 儀型可知薪火傳無恙乍試絃歌道亦靈遺像
 尙留今俎豆荒祠重落舊丹青多才蔚起開冠
 冕日照文峯倚翠屏斜分閩嶠萬山奔獨有
 林巒恣遠探客倦羊腸難度馬婦愚蛩杼不知
 蠶省官省戌偏多紬增餉增徭或未堪撫字慙
 予無寸補時過谷口奉驂驛開元入版舊封
 疆人物先朝汗簡香獨恨地寒難種荔却慙吏
 拙未栽棠兩編僅載禪謀筆八詠誰裁沈約章
 五代以前千載後尙留文獻待三長千峰寂
 寂鎖邱樊春到畚田滿燒痕野店獨沽岩上酒
 驛樓多倚水邊村臨關未享魚鹽利比屋頻驚
 採權魂吏散訟庭涼似水山空月落響啼猿
 竹引山泉水引杯長亭十里度崔嵬幽岩積霽
 龕常寂極樂斜陽半開高閣觀瀾重騁望荒
 邱欣木幾徘徊牛頭羊角經行處故國天邊首

重迴

又玉田竹枝詞

彩枝雲旂蘸水邊土牛賽罷湯
加鞭青黃細驗秧田足抬手齊

歌大有年佳節清溪報午天齊聲招楚木蘭
 船五絲好乞江陵種來插前村玉米田年來
 徵餉復徵兵山縣枯荻草不生但比官租完七
 限不知民力盡三征纔傳采木淚盈盈鳥道
 千盤不可行費盡千金鞭盡血半年纔過兩三
 程犬吠鷄鳴何處村哀哀寡婦哭秋原綱徭
 未滿還追站日日催租到縣門水畊火耨繞
 山田七月無雲忽報蟬試向來薰亭上望空村
 日午未炊煙山巔水滸盡荒蕪可許農夫荷
 插無纒墾石田三四畝夜來稅吏已催租朱
 子溪山新俎豆李侯城郭舊絃歌縱然樂土誇
 民力剝肉醫瘡剩不多圍扉苦雨滴漫漫無
 計平反掩淚看為簡囚糧不滿斛夜來未敢勸
 加殮也無多歛也無營日日閒庭伴鶴行任

笑使君風力軟蒲
鞭原自惠心生

四明楊公玉田雜詠及竹枝詞流連往復揮
灑牧民心血於筆花墨潘中讀之猶聞大息
聲也里巷歌謠尙闕風教况賢令尹之心聲
乎紀之風俗以爲宰斯土者式

節序

元旦掃室焚香拜先祖家少長序拜親戚各相
過稱賀三日市不列肆謂之節假
立春先一日縣令祭勾芒於東郊迎土牛鞭之

人取其土爲宜年上元自初十至二十日各保
巧粧故事迎神遶境而匝夜各張燈鼓吹徹境
有絃歌遺風又採竹作字燈鋒穎鈎畫丰神畢
具串遊各保後掛列河岸光射水中覺雲漢天
章較勝於銀花火樹也

上元後延經明行端者爲師遣子弟入學

晦日稱爲後九取五穀和蔬菜爲糜粥食之

清明祭墓各芟草培土以紙錢掛墓仲秋亦然
端午插蒲艾於簷飲蒲酒裹米粽先亦以相餽

小兒以五色絲繫臂舟人競渡逐疫按閩俗以四日泛蒲酒五日爲閩王忌魏濬詩云吾家臨午節先日醉蒲觴云是閩王忌偏令士女狂中元祀祖廟焚楮衣各以祀祖熟物相餽重陽俗採菊摘茱萸登高泛酒冬至以米粉爲員達陽氣之義

歲除二十五日潔屋宇以牲菓酒相餽謂之分年除夕蒸飯祀祖藏之名曰歲飯以燕親族夜則家家燎柴於門辟鬼亦取除舊布新之意

畬民

按杜氏通典云帝嚳時患犬戎入寇乃訪募有得犬戎將軍頭者妻以少女時帝有畜犬曰盤匏遂銜其首至乃以女配之盤匏得女負走入南山止石穴中生六男六女自相婚配其後滋蔓長沙黔中五溪蠻是也又查元中記曰狗封氏者高辛氏有美女未嫁犬戎爲亂帝曰有討之者妻以美女封三百戶帝有犬名盤匏殺犬戎銜其首來帝以爲不可訓民妻以女流之會

稽東南二萬一千里得海中土方三千里而封
之生男爲狗生女爲美此兩說約畧相同是畚
民始祖實係爲盤瓠氏之後畚人深居幽谷其
素藝則開墾荒巔山崖自耕自食並有栽靛者
其田三年將成則又棄而徙之他處耕種又三
年亦若此故謂之畚民古邑畚民有雷藍二姓
男女赴山耕作腰繫魚籬捕捉魚螺等物以作
饌羨手執柴刀採薪以供炊爨男人頭戴竹笠
女人跣足圍褲頭戴冠子其形似狗又以巾覆

之或白石或藍石串絡繞縛冠上或夾垂兩鬢
此畚民男婦粧飾與民人較異今則附近民居
在邑之四都上洋等村與民往來交易亦有承
佃民業爲生業者但畚民由來雖久尙未載入
邑志因乾隆十七年七月內奉

督撫兩院憲繪畫畚民圖冊具奏恭

進九月二十八日奉

硃批知道了欽此行知在案附載風俗之後以備查
考

縣北映巖可於此石映空峯樹障風谷之勢如龍查
或人民年十八日奉 錄林天之役舍人深居幽谷其
計兩刻而餘高命其圖世具表恭 食並有栽說者
曰志因詳錄十山其山內表他處耕種又三
山及業餘主籍皆曰舍只由來輿人尚未輝人
吾邑之四鄉上其善林與山到來交長亦成亦
山食以農耕耕與山人變異今限樹此山是
古更自正河鹽不車益越縣候山如夾垂兩

物產

古田一名玉禾或稱為玉田而妄測者遂謂古
田出玉非也實由十三都諸村田中出白米如
玉是以有玉田之稱而銀鐵諸坑所出不償所
費弛罷久矣故欲寶者不必至古田而問若夫
田疇之所產園圃之所生水中鱗介山上竹木
時禽常獸芳草麗花亦足供食用要玩賞于他
邑乎何羨哉惟海濱魚鹽與夫木棉之布蠶絲
之帛則必自外郡外縣來也志物產

穀屬

白早稻 有七月熟者人少種之有八月熟者人

米特佳作飯白而微帶藍也

赤早稻 穀黃無芒米紅味劣白早

降來 亦是白早名娛早

白晚稻 無芒穀米俱白十月收有名白舖稻者

酒有名清水淋者食之難飽

赤芒琢 芒紫赤色米精白如

紅芒秣 穀微紅芒亦紅

古田縣志

麥屬

猪膏秣 無芒米白十月

油麻秣 無芒米似白脂麻帶淺

烏芒秣 穀黑芒亦黑米不

小麥 惟城外平坡有種者今

大麥 民不

蕎麥 種者

豆屬

黃豆 夏種

官綠豆 粒大三十五都出味佳按此乃大豆未熟采而造者

白小豆

黑豆 有小有大

綠豆

豇豆

蔬屬

芥

薑

匏 有三種一種皮青肉黃割而置諸家久則皮亦黃一種上小下漸大長尺餘色青白一種

可為瓢 杓色白

韭

薤 葉圓似葱而小根圓白味辛

蒜

葱

茄

莧

薯

芋

芹

菰 野生有黃白黑紅青諸色生子夏秋間可食即古所謂朝菌蒸濕所化

筍

蕨

春菜 此乃椿木所生新葉非菜也雅人烹以待客俗人反憎之

白菜 秋種冬茂乃白油菜也

油菜 花黃子可榨油油甚香

苦蕒

蘿蔔

茗蓬 秋種冬茂葉光滑

荳莢 春種夏茂蔓生插竹使纏之莢長尺餘

仙草

王瓜

苦瓜 味甚苦皮不光滑

冬瓜

樾 直而青色

山藥 似薯而小味勝之

萵苣 俗名倭筍又名白苣

薺菜

芥藍 葉如藍而厚 青色味美

葫荇 一名圍荇 叢生 葉味香

菠薐 種來自頗 荇國頗 誤為菠即紅根菜

茼蒿 三月開花 色黃如菊

木耳

葵菜

果屬

桃

李

梅

杏

柿 有大柿有扁柿皆有核 惟一種甜柿小而無核

柰

柚 狀如橙而差大即禹貢所謂厥貢橘柚之柚 皮不光澤者古邑謂之枹音拋味酸皮光滑 而內瓣帶紅色 者味美漿多

橘

梨 春花秋熟種類不一有 名六月雪者六月熟

栗 春谷六民重杏六民燕

榛 木美葉冬

棗 木美葉冬

菱 木美葉冬

橡 有二種一種實象栗而小一種實象榛而小故名橡古邑山人皆謂之栝音錐象栗者味

甘淡呼為牛曉甲栝象榛者味微苦呼為苦栝古謂之栝詩所謂榛栝濟濟之栝是也

蔗

西瓜

土瓜 其瓜生根下在土中邑人少種

楊梅 有紅白二種

枇杷

石榴

蓮實

銀杏 吳人呼為白果

海棠梨 實小似彈丸色淺碧味美

林檎

葡萄

木屬

杉 木似栢而直小葉而硬比比附枝
抄而生乾則能刺手材可架屋

檜 葉似栢
香木也

栢 葉似檜
香木也

楠 香木
色黃

槐 四月五月開花六月七月結實諺云槐花黃
舉子忙蓋謂秋試近急于誦講以應舉也

櫟 可為
器用

樟 樹高大葉似柗子黑色人或取以榨油或伐
而切其木片煮之作腦本名豫章古人其重

材其

楓 葉有三角其脂
香子人藥材

柏 葉霜降變紅外白脂宜作
燭內黑子榨油可燃燈

冬青 甚似女貞而葉微圓
子紅色入藥材

女貞 葉比冬青微長俗名長生樹
午節取花插門上實入藥材

柳

桐 古田無梧桐人家所種皆是碧桐葉上青下
白其花似他木之嫩葉久則漸厚而長大實
即生于花葉下粘葉甚固形小似男子乳頭味
甘淡微香莊子所云桐乳致巢即此桐也又有
油桐其子可榨油人
多種于山坡及渚上

榕 大者
數畝

相思 木堅重多文生近水者最佳可作案几椅
結莢形扁本末小而中大內子如紅豆山

人呼為紅豆樹

牡荆

樹高大俗呼黃荆子入藥材

蔓荆

木小高五六尺子入藥材

桑 萬曆三十年知縣王繼紀稔知蠶桑之利教民樹之然植桑飼蠶者卒少毋乃水土不宜乎

瓢木

生實有兩般其一蒂下如花開數出中間結如婦人耳璫色俱黑其一大如鴨卵圓而微扁必有一孔扣之可以節歌疑古者所謂櫟樹即此也乃天生木音樂器故字從樂曰瓢者以其圓實置水而能浮如瓢杓也

竹屬

猫竹

竹大葉小冬生笋春復生冬笋小春笋大工作篾器多用此竹作筒亦必用之

油竹

竹小筠滑澤可作小器

紫竹

幹紫黑笋嫵作莢佳人取以為笛音清

方竹

形方而有稜異于他竹九月生笋

苦竹

有大小大者俗呼椎竹筠裡堅厚而竅小竿可晒衣

筋竹

生于山上石間者堅緻移植于家雖長大不堅緻矣笋味未佳

箭竹

竹小而葉大于猫竹數十倍可藉物可作笠中著午節人取以裹稷

黃竹

葉青老則幹黃其笋常生味微甘

豁竹

笋味清佳其竹人多伐以為籬

觀音竹

鶴膝竹

江南竹

麓竹

藥屬

艾

茱萸

枸杞

薏苡

幹粗大扛簾夫用之亦可作椅

水口地方多

笋味極美

氣不堪聞味辣如椒

叢生葉似石榴葉苗柔時可食子紅色根名地骨並入藥材

實如珠子而稍長

使君子

紫蘼

大薊小薊

香薷

車前子

桑白皮

麥門冬

香附子

金櫻子

邑人呼為牛刺橐

一名香薷野生油菜也生石上者佳

俗云蝦蟆草荒園甚多

即桑根

葉青如韭長不滿尺四時不凋根下生連珠如麥顆

葉似韭即莎根

多生荒墟莖多刺而堅實似石榴而甚小多毛似刺皮味甘而微澁

鹹粘子

樹似藤子如蓮實而味甘而酸

石南藤

俗名峯藤漬水飲可愈瘋

天門冬

蔓生莖長八九尺葉似松毛而細短根下生藥白色

益母草

蔓生葉如艾花開淡紅端午日采

扁豆

花有紅白二色白花者佳

清風藤

俗呼扁擔藤子碧色味似葡萄治風濕流注歷節鶴膝麻痺

花屬

芘芣

樹高丈餘皮白春未生葉花先生根漸生于幹後乃漸生于枝其狀卷而不舒色紫

濃艷即詩所謂視爾如菽之菽凡花皆生于枝而此根幹皮外亦生奇哉奇哉

蓮

菊

海棠

石榴

葵

蘭

蕙

花莖帶紫者為蕙黃白色者為蘭

桂

一名木犀有紅黃白三種其葉寒暑不調開時人多瘧疾故俗云木犀瘴

金銀

初開色白經久變黃故名金銀即忍冬花

瑞香

長春

金錢

玉簪

牡丹

茶蘼

麗春

芍藥

茉莉

色黃即六月菊
花開圓平如錢

花白狀如簪
秋時開甚香

古邑土所不
宜植者不多

花白有香
三月開

一名賽牡丹一名
錦被即罌子粟花

種者
少

白色
甚香

山茶

花有深紅淺紅
淨白三色冬開

木槿

紫色朝
開夕謝

金鳳

鷄冠

芙蓉

淺紅色樹
高五六尺

水仙

花純白中夾黃色謂之金盞銀臺干葉者
其中花片蹙密輕黃而淡白葉叢生如蘭

剪春羅

草幹葉細花紫色
葉端整然如剪

紫荊

辛夷

俗呼
木筆

頰桐 皮青高三四尺便有花紅色可愛種者少

午時蓮 花白頗似蓮花而甚小種子盆水內一莖止生一花至午時則花出于水上午

時過則縮於水中

草屬

蘆 即葦也古田管多蘆少

馬蘭

萍 俗名藪紫色青色二種土人以青色者飼魚

藻 莖枝甚細中皆空叢生水裡或生一二葉浮水面似小竹葉

蓼

菱 牛蘄草也

莎 根即香附

蒿 似艾

菖蒲

釣藤 莖間有刺若釣鈎可療小兒驚風

羽屬

鴉 邑無純黑之鳥都是甲居詩所謂鴛也

雉

雀

燕

鷓 卽鷓也人
多不知

鷹

鷗 水鳥

鴛鴦

鵲

鷺鷥

錦鷄 似雉而色少異
邑少屏南時見

鴝鵒 一名八哥
能學人語

杜鵑 一名杜宇一名子規
許氏謂之子鵲暮春則鳴

畫眉 環眼有白
文如畫

白鷓 似山雞雄者白質
黑章尾長二尺餘

啄木 爾雅名鴛嘴長堅銳
能取木中蠹虫食之

鷓鴣

竹鷄

金暉 邨人謂之謝豹又謂之黃楠
鳥布插前來此鳥被陽光色似黃金
小于鸚鵡能作數

般聲邨中若多此鳥則年必豐俗云
誰能看見謝豹脚有高賢則倒棲于
松樹之柯以足示之

人不得害鷹不
得攫蓋神鳥也

藍袍

此鳥青藍色似鸚鵡而味不如其濶鳴聲

則是年多黍多稌故名曰嘉多鳥鷹或擊示之終不敢食味脛爪皆紅必棲鵲巢中

鵲

古人以為走鳴長尾雉非也此鳥不如鵲之

松林棲于高柯之上必雙不隻從此松而飛就

震驚之惟其棲喬木故曰鵲惟其

進鳥

善轉人家有喜事必先至其家急鳴數聲

鴟鴞

頭似貓口齒皆似聲亦似貓吼羽黃白參

是也

鴉

即說文所記鴉畫暝而肉多脂渾身是毛

亦如身而脚頗似鴨晡時始出飛甚高聲聒聒

然見則士女不寧宿人家鳴則其家必逢不淑

其肉炙之甚美莊子所云見彈

而求鴉炙是也邑呼為晏鵲

鴉一名伯勞月令仲夏鴉始鳴反舌無聲先儒

斑鳩

毛屬

虎

豹

鹿

豹 似犬而大月令所謂九月豹祭獸即此一羣
有四五頭中必有一豹精特小而善跳旋走

甚捷若逢牛彘則豹精為之搔癢牛彘覺快便
止立不行豹精即跳于彼之項上尿其眼使彼

兩目淚出而蒙昧即轉身以前足瓜入其後竅
出其腸而共食之已乃共嚙其臀股之肉彘不

能走牛不能奔
生啖以至於殪

猿 古邑少

熊 形類彘而毛長冬蟄山穴
前足似人掌皮可為茵席

麋

鹿

狐 形似狸黃赤色年久
成精怪古邑狐少

狸 與狸音義同而古邑呼狸為埋狸似狐而色
不黃赤多類貓色與狐皆好攫山居人雞古

邑為樸害人者皆狸也被捉而刳其胸腹但見
一條腸上属于咽喉下属于後竅當臍下處腫

圓如

兔

山羊 似羊而大角心
血皆可為藥

獺

管豚 食管根全身毛俱密而長灰白色併毛視
之身濶五寸許長尺五寸許入湯去其毛

則形甚小烟三三
日食之味其且香

豪猪 許氏所云豕鬣如筆管者大
不過三十斤然虎不敢搏

土猪 形似豕而足似熊其瓜甲長寸餘而直潔
白如玉在山穴不鳴縛至人家見人輒吼

畜屬

牛

羊

犬

猪

猫

鵝

鴨 又有番鴨

鷄

鱗屬

鯉魚

鱖魚 味美

雪魚 遇雪始有出水口

鯽魚 卽鮓魚

草魚

鯉魚 二種皆自江西來

鱖魚 兩旁各有兩曲青黑章

隈魚 山澗多

金魚 形小金色人家畜

石鱗 一名黑虎外皮黑而內肉潔白生于坑石罅味美

剛魚 大者五六觔性急而剛其行直其力猛食餌每斷釣繩走去

鮎魚 口扁身皮善粘沙近城鮎黃色兩頰有刺鳳竹鮎無刺重不足兩五錢水口鮎則大

數十倍

鱈魚 本作鱈

鮒魚 本作鮒

花斑魚

介屬

龜

鼈

鼉

蟹

螺 有田螺池螺坑螺三種

蚌 田蚌池蚌

白曰渠言 卷之二
鯪鯉 其甲名穿山四足善穴土人擊觸之則卷曲其軀有項乃舒食蟻

蟲屬

蜜蜂 其密渣為蠟

蜘蛛

螟蛉 多生桑樹間蝶羸取而祝之七日而化為其子

蜻蜓 睛大尾直故名蜻蜓一名蜻蛉六足四翼有青紅二種又有錯采者

蜥蜴 一名石龍子有毒能螫人

蜈蚣 身赤多足甚毒能制蛇所畏者蝸牛

蚯蚓 生泥中孟夏則出仲冬則結

青蠅

蝙蝠 一名伏翼夜飛掠蚊食之

蚱蜢 生草間

蝴蝶 有青黃白三色又有彩蝶翼如畫

螳螂 青色臂如斧身長有翅捕蟬而食

蝦蟆 皮上有沸起如芝麻者是也聲甚大田家謂之田犬皆水中蝌蚪所化

蟾蜍 一名詹諸即詩所云戚施俗呼粗皮治小兒疳疾用之眉間白汁為酥

螻蛄 穴園地糞壤以居治箭鏃在咽喉胸鬲不出擣螻蛄取汁滴傷處三五度箭頭自出

蟻螬 生園地邨人呼為白肥蟲滴汁目中翳障

斑蝥

身有黃黑斑文
解疔毒獬犬毒

蟋蟀

一名促織一名莎雞
則鳴詩云蟋蟀在堂
秋至

蠨蠨

甚微細
善螫人

螢

六月腐草
所化

蛇

多種有青赤
黃白黑諸色

蛙

有青色有綠色有青而背作黃綠
紋者謂之金線蠹俗又名青蛤

蟬

夏蟬秋蟬
蛻入藥

躄蝗

亦有寫躄躄者外翼堅厚而綠內翼紫薄
腹下微紫夜入書房聲洪洪然極大駭人

蚊

貨屬

紅糲

降來米蒸飯聚而覆之使溫散而鋪之使
涼浸諸水欲其化而復聚之散之奄以水

欲其成而復聚之散之溫涼得中而後有內
色如朱者入藥材佐染采此出產之一也

蕨粉

紙

五都七都有造者

笋乾

笋絲

麓竹切造如絲出水口

香菰

係他郡人來租山伐木造
出者又有糖菰所出不多

麻布

苧布

香林 出青又青 蘇林 出山不多

竹 出山 蘇林 出山 蘇林 出山

竹

蘇林

蘇林

蘇林 出山 蘇林 出山 蘇林 出山

蘇林 出山 蘇林 出山 蘇林 出山

蘇林

水利

水有澤物之能 凡湖渠陂塘足資灌溉者皆可

以利賴斯民而古田多山阜亦多原泉注茲挹

彼行潦且然况邑居山水之滙乎大麓高隴決

澗可通越陌度阡判竹可引灑潤飛其厥功懋

哉志水利

古邑溪水東北流滙入劍溪

一源自候官后洋入四十都溪沙經四四都安

章四二都沂洋入東溪滙劍溪出四江

一源自政和嶺崗與寧德霍童注屏南雙溪出

平湖入崎嶇滙劍溪

一源自建安上橫坑經十八都鸞壠出崎嶇入

劍溪

一源自十六都黃沙至靈瑞寺前入桃溪經前

山滙曹洋橋達因江

一源自游洋經籌坑出谷口通大江

東溪

流至萬安橋入江

劍溪

感溪

一名錦溪流通石平橋

瀨溪

流經曹洋橋合大江

桃溪

在縣治西崇禮里

甘溪

古名藍溪流入東溪

西溪

在二十一都環繞樂安移風二里

虎溪

在三都昔傳有虎跳石上足跡猶存故名

水口溪

溪流自縣出與嵩溪會均名水

煥文渠

在縣治比煥文橋下堰溪水入渠西流

流與後河合復南流至勸農橋之南乃東流過下橋以入大溪昔人鑿為襟帶之水亦嘗濬之

至明萬曆二十四年令劉日暘以縣脉從西北來鑿河斷龍塞之其縣治後一帶新官以前猶存今盡廢

朱舍河 在縣前大街尾水通福山堂前勸農橋上下

後河 自紫極宮流出通河西

龍井塘 在十三都

曾祇塘 在縣側後田

鄒洋陂 在新興里長四尺溉田二百五十丈濶一丈深四尺

樟尾陂 在新興里長一丈二尺濶田一十八頃尺深二尺四寸

巖頭陂 在新興里長二丈濶二尺深一尺七寸溉田僅三頃

吳源陂 在新興里長二丈濶四尺深二尺三寸溉田七頃

雙瀨陂 在新興里長五丈濶四尺深二尺溉田二頃

溪坪陂 在新興里長一丈五寸濶四尺深二尺溉田七頃半

感溪陂 在保安里長一丈濶四尺深二尺溉田一十頃

小溪陂 在保安里長八丈濶三尺深二尺溉田僅四頃

瑞雲陂 在保安里長一丈濶三尺深二尺溉田四頃

屈斗陂 在保安里長四丈濶三寸深二尺溉田三十九丈濶三尺五寸深二尺

碾洋陂 在邵南里長五丈濶五尺深三尺溉田五十五丈濶五尺

湖潭陂 在邵南里長五丈濶五尺深三尺溉田六十石種

諸家陂 在邵南里長五十丈濶五尺深三尺溉田六十石種

上洋陂 在和平里長七十丈濶二尺三寸深一尺七寸溉田三十石種

尋洋陂 在慕仁里長三百七十丈濶八尺深三尺五寸溉田一百二十石種明萬曆二十三年里人新修

徐洋陂 俗名蔣洋陂在慕仁里長二百八十八丈濶四尺深二尺五寸溉田二百五十石種

五峯陂 在邵南里長五十丈濶五尺深三尺二寸溉田五十五石種

滌下陂 在慕仁里長二百八十丈濶三尺深八寸溉田一百三十餘石種

覆船陂 在慕仁里長一百三十七丈濶四尺深二尺五寸溉田四十五石種

高頭陂 在崇禮里長一百五十九丈濶二尺三寸深二尺溉田一百二十石種

西雲陂 在崇禮里長一百六十五丈濶二尺五寸深二尺溉田七十石種

倪洋陂 在邵南里長三十丈濶三尺深二尺五寸溉田二十石種

柯潭陂 在新安里長八百丈濶三十丈深六尺溉田二千石種

平湖陂 在新興里長八百五十丈濶三十五丈深一丈五尺溉田二千五百石種

長基廳陂 在十三都半洋大溪長三百五十五丈濶四尺五寸溉田二頃四十畝

古邑處萬山中溪水東北流紆折滌洄不通舟楫惟十七十八二都溪面稍寬可容小艇載米穀至縣治派分雙劍匯成一溪過此則亂石截流波濤洶湧中隔龍潭激浪飛湍漂

毛沉木至將近水口十餘里地名時坪始可
泛小艇直抵困關然亦疊石層灘險惡較建
溪為甚其山中溪澗萬股千條寬不能數武
所有陂塘僅資灌溉而已非有昔通今塞昔
塞今通須及時講求疏濬也城中河道向係
堰溪水入渠渚水易涸無田可溉而重岡疊
嶽剽竹引泉不遺尺土水至古田信無遺利
矣

義井 在縣治迎仙橋西宋知縣李堪所鑿井泉其例民利而悅之

桃源龍井 在安樂里杉洋百丈溪縣尉盧特祈雨有應因名

華巖井 在保安里

龍井 在崇禮里

七星井

柴井 俱在保安里

鷓鴣井 在十三都舊名龍鬚井有龍王殿禱雨多應

北門井 一保城隍殿邊

陳家井 在一保大街

莊家井 今名蘇厝井在一保橫街

佑聖井

在二保後街佑聖宮邊

吉祥井

在三保吉祥寺前宋時鑿亢旱不乾

分司井

在四保聖殿邊

金井

舊傳在布政分司左右只有其名俗云玉田金井卽此是也

西門井

在林家屋傍

後庄井

在五保後河巷

陳家井

在分司邊

塔巷井

在巷內路邊

雙塔井

磴

山川以養人而人爲反足遺山川累則莫甚於水磴依水而磴者利在水湍而勢疾故瀾徐也必壅之使狂逝平也必激之使怒勢直也必逆之使曲震撼之聲烈於山摧飛沫之狀甚於電隕山靈安得晏然河伯屢失其性跡厥所爲不過偷杵臼之安博升斗之利不知鑿混沌雜清淑張拂逆之形駭觀聽之驟莫此爲甚矣矧古田之溪遶城而流壅遏之極必至衝城善潰之

漸延及城垣明邑令劉曰賜於修城議中卽深
慮及此盡數折毀諸礎只留一口與百姓共之
曉諭警戒昭然貞石中且列原造礎戶陸禮姚
文朗羅五朱一鳳之名聲其罪而杜其復後豪
右垂涎礎利多方謀復邑令王繼祀痛懲以法
立令折毀復將原留一礎每年議令以礎利給
紫橋臨洋溪山三渡夫工食并造船資費共二
十五兩通詳刻碑示禁永絕復之端至今便之

61